

AR WIRIONEZ

Dédiée à M. Charles Noüel de Lesquerneec

3^{me} ÉDITION

Schilaout ma ali, paour ha pinvidik :
Ar votadek, pet sonj, ne-ket eur c'hoariel
D'ar c'houlz-se e weler a Gaou e rodeel
Gand eur ialc'h enn he zorn, digaset gant Lutik (1)!

Da dapout vit he voaz eunn toulladik mouezio
E sklabe arc'hant braz enn hostelerio....
Evel ar marmouzien n'en deuz netra da goll
Henvel euz eur c'hi klanv, redek a ra dre holl.

Evel eur marc'h kiger a red hirie gant Job,
E taoulampo warc'hoaz gand Fanch evit he c'hob :
Eunn tol fallagriez enn han lak kalz a stad ;
War ar jalod brein ze, beugeuset, ma zud vad.

(1) An diaoul evehek.

Al lezen , o pet sonj , e deuz eun nerz spontuz ,
Ret eo plegan crak dirag-hi ha fonnuz ;
Pa ve impliet mad ann dud en em gav iac'h ,
Pa ve impliet fall , homp holl tapet er sac'h.

Vid ober lezenno , ha lezenno gret mad
Dibabomb enn hon touez unan a furnez vraz ;
Na re goz na re iaouank , enn eur gir kreiz he-n-hoad
Rag ann den ne dal man pa ve erru re graz,

Pa c'het d'eur foar henag mar eo vit gwerza
Ec'h et diwar ann dour pe gant saout pe gant moc'h
Ha mar bec'h meo ha dall vit ober ho prena
E kemerfet abred eur wiz evid eun oc'h.

Dirag ann dud a blu , alaouret penn-da-benn
Evel dirag ar re eo touz ho chupen :
Askol fall a zivoan e ker vel-war ar mez ,
Diwallet , ma zud vad , diwallet , tudo kez.

Unan anaveann, flercyus vel ann naplez;
Hen-nez, o ped sonj mad, a chom enn eur palez;
Fripon touet, gaouiad, e-tu-hont eo laer
Kap da rei e ine evit triouac'h diner.

He dend a zo du-glaou: debret gand ar c'hlenved:
He deod hag he fri brein ho deuz c'houez ar pec'hed:
Bez en deuz arc'hant braz! a vern! a vern! a vern!
Laeret diwar hon c'houst, evel ier gant ar lern !....

Diwar benn ar plaso, chekon! gwaso chas bleo!
N'em dorna a reont ken a zivad ho c'hreo
Spontuz e ho gwelet a blad, a bign, a grap
Evel chas war eur c'had toled enn holligrap.

N'ho deuz ket a amzer evit dibab ho hent
Toïezo! ze ne mad nemed vit ar zodien!....
Pad ma vezo ho dorn enn eur ialc'h leun a aour
E-sonj gant-he dre lorc'h n'afont biken da baour.

Er bed-man , ho ped sonj , neuz nemet diou lezen
Ar peoc'h a vo gan-ec'h mar d-oc'h enn hini vad :
Ha kaer ho pe gwinkal , n'em stourman , n'em asten
Na lempfet gwec'h e-bed ann nerz a zorn ann tad.

E touez ar fransizien , siouaz ! e zo tud dall
A gerz gand plijadur enn hend ar zio fall ;
Distroomp euz Doue , pedomp , breudeur pedomp
Evit pellaad rak-tal ar walen zo war n-omp.

Ho ! Rouantelez Franz ! ho ! ma bro binniget !
Gwad holl ha kastiet , lic'hiet ha blonset ;
Petra ta teuz te gret vid bezan er stad-ze ?
Skuill daëlo , ma Mamm gez , hag holl pedomp Doue !...

ADRIEN RAISON DU CLEUZIQU

Kenta a miz c'huevrer, mil eiz-kant-unnek a tri-ugent.